

VIJESTI



Srebreničanke bez odštete UN-a

Sudije Žalbenog suda jučer su presudile da porodice srebreničkih žrtava ne mogu tražiti odštetu od UN-a pred holandskim sudom. Advokati članova porodica žrtava najavili su da će slučaj podnijeti holandskom Vrhovnom sudu i Evropskom sudu pravde ukoliko to bude neophodno, javio je AP. U presudi u utorku se navodi da UN uživa imunitet od krivičnog gonjenja koji je ugrađen u međunarodne konvencije kojima je ustanovljena svjetska organizacija. Odlukom žalbenog suda potvrđena je presuda Haškog oblasnog suda iz 2008. Srpske snage ubile su oko 8.000 bošnjačkih muškaraca u julu 1995. kada su zauzele srebreničku enklavu u BiH uprkos prisustvu holandskih vojnika iz sastava mirovnih snaga UN-a. Grupa Majke Srebrenice želi da tuži UN i Holandiju.

Lešić izbačen iz Boljitka

U skladu sa svojim ovlastima predsjednik Narodne stranke Radom za boljitak je donio odluku o razrješenju člana stranke Mike Lešića, zbog toga što je samoinicijativno, bez suglasnosti stranačkih tijela, kao zastupnik u Domu naroda Parlamenta FBiH i ovlašten predlagatelj, podnio sramotni amandman (o zastupničkim mirovinama od 2.100 KM) na prijedlog zakona o plaćama i naknadama u organima FBiH. "Isti amandman je izravno protivan interesima građana FBiH i BiH, a kao takav je protivan i stavovima i načelima Narodne stranke Radom za boljitak. Daliborka Milović i Slobodan Tomić, zastupnici Boljitka u Domu naroda PFBiH bili su netočno informirani od Lešića, i u narednom razdoblju stranka će poduzeti određene konzekvence", navodi se u saopštenju stranke.



Sudijama loše

Udruženje sudija BiH (USBiH) upozorilo je jučer da bi neadekvatan status nositelja pravosudnih funkcija mogao ugroziti dosadašnje pozitivne trendove u sklopu pravosudne reforme u BiH. Novoizabrani predsjednik USBiH Milan Tegeltija istakao je na pres-konferenciji u Sarajevu da je neodgovarajući položaj i status sudija u društvu već doveo do odliva kadrova. Po njegovim riječima, poboljšanje društvenog statusa sudija u pogledu jačanja materijalno-tehničke podrške, uključujući plaće i druge prinađelnosti, bit će u vrhu prioriteta i programskih ciljeva novoizabranog rukovodstva USBiH.

Počela konferencija Partije evropskih socijalista

2014, godina proširenja EU

Više od 120 učesnika iz dvadesetak zemalja, veliki broj lidera evropskih socijaldemokratskih partija, nosilaca funkcija izvršne i zakonodavne vlasti, došli su u Sarajevo kako bi pokazali svoju punu opredijeljenost ubrzanom putu cijele regije jugoistočne Evrope ka evroatlantskim integracijama

"Progresivna društva na Balkanu", naziv je konferencije Partije evropskih socijalista (PES) koja je počela jučer u sarajevskom hotelu Evropa. Domaćin konferencije je Socijaldemokratska partija BiH, čiji je predsjednik Zlatko Lagumdžija na posljednjem održanom kongresu PES-a u Pragu, početkom decembra, postao članom predsjedništva PES-a, a SDP BiH je primljen u status pridruženog člana, što predstavlja najviši mogući status političke partije koja dolazi iz države koja nije članica Evropske unije.

Održivi Balkan

Preko 120 učesnika iz preko dvadeset zemalja, veliki broj lidera evropskih socijaldemokratskih partija, nosilaca funkcija izvršne i zakonodavne vlasti, došli su u Sarajevo kako bi pokazali svoju punu opredijeljenost ubrzanom putu cijele regije jugoistočne Evrope ka evroatlantskim integracijama.

Jučer je konferencija otvorena sesijom "Proširenje 2014: Politički prioritet za evropske socijaldemokrate", nakon čega je uslijedila debata o temi "Progresivna strategija za članstvo u EU 2014."

Kasno sinoć, održana je i



Konferencija otvorena sesijom "Proširenje 2014: Politički prioritet za evropske socijaldemokrate"

druga sesija "Zapadni Balkan za pravedan rast, zaposlenje i socijalnu pravdu".

Za danas ujutro planirana je treća sesija i debata "Osiguranje održivog razvoja zapadnog Balkana", nakon čega će se na konferenciji za štampu novinara obratiti Poul Nyrup Rasmussen, predsjednik PES-a, te Lagumdžija, u ime domaćina.

Pored spomenutog Rasmusena, na konferenciji sudjeluju Philip Cordery, generalni sekretar PES-a, Edi Rama, predsjednik PS-a i gradonačelnik Tirane, Ilir Meta, predsjednik LSI-ja i zamjenik premijera Albanije, Kristian Vigenin, član Evropskog parlamenta, BSP,

Bugarska, Zoran Milanović, predsjednik SDP-a Hrvatske, Alain Richard, član predsjedništva PES-a, bivši ministar odbrane, PS Francuske.

Brojne zvaničnice

Zatim, tu su Branko Crvenkovski, predsjednik SDUM-a i bivši predsjednik Makedonije, Ranko Krivokapić, predsjednik SDP-a Crne Gore, Bojan Kostres, zamjenik predsjednika LSV-a, član Parlamenta i bivši predsjednik Parlamenta Vojvodine, Patrick Vlačić, ministar prometa i potpredsjednik Socijalnih demokrata Slovenije, Zoran Thaler, MEP, zamjenik predsjedja-

vajućeg delegacije za EU - Armenia, EU - Azerbajdžan i EU - Georgia pri komitetu za parlamentarnu saradnju, Tanja Fajon, članica Evropskog parlamenta, Lena Hjelm-Wallen, predsjednica Evropskog foruma, Predrag Sekulić, politički direktor DPS-a, Crna Gora, Corina Cretu, član Evropskog parlamenta i internacionalni sekretar, Denise Bromzetti, predsjednik PSD-a, San Marino, Kurt Bassener, Democratization policy Council, USA, Arjen Berkvens, direktor Alfred Mozer European Forum Stichting i generalni sekretar Evropskog foruma i mnogi drugi. **F. B.**

Potpisan protokol sa Upravom Željezničari otkazali štrajk

Željeznice FBiH se obavezale da će najkasnije do 7. aprila uplatiti doprinose za zdravstveno osiguranje i januarsku platu

Štrajkački odbor Samostalnog sindikata željezničkih radnika u BiH otkazao je za danas najavljeni štrajk u željezničkim regijama Tuzla, Zenica, Mostar, Bihać, Sarajevo, Generalnoj direkciji Sarajevo i Centralnoj radionici Rajlovac.

Odluka je donesena nakon što su predsjednik ovog sindikata Munir Spahić i predsjednik Uprave Željeznica FBiH Narcis Džumhur jučer potpisali protokol o rješavanju sindikalnih zahtjeva upućenih 17. marta čelnicima preduzeća. Uprava se obavezala da će odmah po dobijanju sredstava iz transfera budžeta Federacije BiH - najkasnije do 7. aprila - uplatiti dopri-

nose za zdravstveno osiguranje za sve radnike Željeznica i isplatiti neto platu za januar.

Godišnji ugovori

Najkasnije do 2. aprila trebalo bi da budu isplaćeni i svi materijalni troškovi za februar. Također, Uprava Društva se obavezala i da će dostaviti tehničke ispravke pravilnika o IV izmjenama i dopunama pravilnika o radu JP ŽFBiH po završetku rada Komisije, koji se primjenjuje od 1. oktobra prošle godine.

Nekoliko sati ranije u Sarajevu su federalni ministar prometa i komunikacija Nail Šećkanović i generalni direktor Željezni-



Slijedi ispunjavanje zahtjeva

ca FBiH Narcis Džumhur potpisali godišnje ugovore. Kako je poslije sastanka saopćeno iz Željeznica FBiH, cilj ugovora je restrukturiranje ŽFBiH, priprema nove organizacije i izvršavanje međunarodnih obaveza.

Između ostalog, cilj ovih ugovora je restrukturiranje Željeznica FBiH, priprema nove organizacije i izvršavanje međunarodnih obaveza. Ugovorom o sufinansiranju obavljanja usluga željezničkog putničkog i kombinovanog saobraćaja uređuje se sufinansiranje obavljanja usluga javnog željezničkog putničkog i kombinovanog saobraćaja koji obavlja-ju ŽFBiH kao ŽO u 2010. godi-

ni, a koje su sastavni dio plana poslovanja ŽFBiH za 2010, odobrenog od Vlade FBiH.

Cijena održavanja

Sufinansiranje obavljanja usluga javnog željezničkog putničkog i kombinovanog saobraćaja za 2010. iznosi 2.100.000 KM i to: za devet pari putničkih vozova 1.700.000 KM iz transfera budžeta FBiH za 2010, za kombinovani saobraćaj 400.000 KM iz transfera federalnog budžeta za 2010. Ukupna cijena održavanja za 2010. iznosi 97,9 miliona KM. Ministarstvo će finansirati održavanje infrastrukture u iznosu od 19.240.000,00 KM. **DI. O.**